

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 8 24th Feb 2013

Chapchar Kût hmang turin Central YMA inbuatsaih

Chanmari West, 24th Feb : Mizoin Kut kan neih zinga kan ngaih ropui ber, mipui nawlpuite tana tel ve theihna Chapchar Kut lawmna chu ni li awh turin ruahmanna siam a ni a; a lawmna pui ber chu Feb ni 28 (Ninga) leh March ni 1 (Zirtawp)-a AR Lammuala hmang turin Chapchar Kut Organising Committee chuan ruahmanna a siam.

Ni 11.2.2013 (Thawhtan) a Chapchar Kut Organising Committee, Art & Culture Minister, Pu PC Zoram Sangliana kaihhruaia ṭukhawm chuan kum 2013 Chapchar Kut chu ropui takin Mizoram hmun hrang hrangah February ni 27 aṭanga ṭanin, March ni 2-ah Bamboo Day hman ruala khar turin ruahmanna a siam. He meeting-ah hian kan Branch aṭangin President Pu C Lalzarliana a tel. Kut hman chhung hian Aizawl-ah chuan AR Ground-ah hnam lam, Mizo infiamna, rimawi leh zai, exhibition chi hrang hrang leh food stall te buatsaih a ni ang.

Chapchar Kut lawmna pui ber chu Feb ni 28 leh March ni 1-ah AR Lammuala hman tur a ni a. CWBYMA chu Mizo Hnam Lam chi thum- Cheraw, Chawng-laizawn leh Chai-te entir tur kan

ni a. Ni 11.2.2013 (Thawhtan) zan khan YMA Zawlbuk-ah Pu Zonunsanga, Branch Executive member leh Tv Zairemmawia, Branch Secretary-te kaihhruaiin lam zir a ni. Veng chhungah chhiattawk kan awm avangin zir chhunzawm rih loh a ni a, zir leh hun tur chu YMA Information mike ṭangin inhriattir leh a ni ang. YMA member-te tlawnngaia hnam lam zir turin Branch Committee chuan a ngen.

Tin, hmeichhe tan bika Ketaminu Intlansiak Feb ni 28-a neih turah Branch hminga team khat (member 8) tel ve tum a ni bawk. Chapchar Kut hmang tura kal turte chu hnam ziarang pholang thei tur thawmhaw, mahni remchan ang anga inchei tura beisei kan ni tih Chapchar Kut Organising Committee thuchhuah chuan a tarlang.

DISASTER TRAINING NEIH A NI

Ni 11 leh ni 12 (Thawhtan leh Thawhleh) nileng khan YMA Zawlbukah Chanmari West Disaster Management Committee leh ATI ṭangkawp buatsaihin Disaster Training neih a ni a, Training hi Pu F. Zosanga Chairman, Disaster Management Committee-in a hawng a ni. Head Faculty, Dr. Lalrokima chenkuai ATI hnen atangin chhiastrupna lo thleng tur pumpelh theih dan leh chumi laka inven dan turte zir a nia, Training ten hlawk thlak an ti hle. Vengchhunga pawl hrang hrang aṭangin hetiang hi Training-a kal dan a ni.

YMA atangin mi 30, MUP atangin mi 5, MHIP atangin mi 5, KTP atangin mi 5, SAY atangin mi 5, Disaster Committee atangin mi 7, an vaiin mi 57 he training-ah hian an tel thei.

He training-a tel zawng zawnge hnenah hian DA pek vek an ni. Training-a tel te tana thingpui leh a hmeh sawhiliar tui tak siamsaktu Neuva Sction YMA chungah Disaster Committee chuan lawmthu a sawi.

Branch News

● Vengchhunga chhiattawk lusun chhungte Branch YMA in a tawrhpui hle a, YMA memberte khawhar in kal, thlanlaih leh lumen ah ṭan la thar leh zual tura ngen kan ni.

● Chapchar Kut kar leha hman turah Cheraw, Chawnglaizawn leh Chai entir turin hmakal mek a ni. Ketaminu intlansiak hmeichhe tana inelna neih turah tel tum a nia, vengchhunga chhiattawk an awm avangin zir that theih a ni lova kar leh chho hian zir leh tur a ni.

● Vengchhunga rawn awm thar tur reng reng in luahfir tur te'n Pem lehkha an neih loh chuan luahfir lo turin kan in hriattir.

● Zu leh ruihlo ti ṭhinte midangte tana bengchheng leh hnawksak zawnga khawsa lo turin kan inngen a, ualau leh midangte tana harsatna kan thlen a nih chuan Branch YMA in hma a la a nih pawhin kan sawi buai thei lovang.

● Zirlai exam lai a nih avangin mitinte bengchheng siam lo turin kan in ngen.

● YMA Park leh Thlanmuala thingte hi Branch YMA remtihna leh hriatpuina lo chuan a zar thlak emaw kih phal a ni lo.

Awm thar

Pu K. Vanlalsiama te chhung member 7 Chanmari aṭangin Pu T. Bualzika in K-Sect.ah. Pi Lallunghnemi te chhung member 3 Hunthar veng aṭangin Pu Lalrinmuana in K-Sect.ah. Pu Lalrambuatsaiha te chhung member 2 Mualcheng aṭangin Pu C. Vanlalenkawla te in K-Sect.ah. Tv Lalthanpuia te unau Serkhan atangin Pu Lalchhuanawma te in K-Sect.ah.



TUNKAR CHANGVAWN

Nimahsela, engkim Pathian hnen ata chhuak a ni a; ani chuan Krista avangin amah nen inremmin siam a, inremna rawngbawl hna min pe a. *II Kor 5:17*

Editorial Board

Editor:	R. Lalrinngheta	9862358337
Joint Editor :	Lalchhandama	9862358347
	J.Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K. Lalremluanga	9862119608
Cir.Manager :	Jacob Lalrinsanga	9612319779
Production Manager :	T. Ngurk huma	9436190843

Branch Office Bearer

President	C. Lalzarliana	9436142049
Vice President	T. Ngurk huma	9436190843
Secretary	Zairemmawia	9862385654
Asst. Secretary	RL. Thanhnuna	9436152760
Treasurer	R. Lalhmachhuana	9436151817
Fin.Secretary	K. Darthantluanga	9436196071
Adviser-te :	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

Editorial :

Kan veng thler a zau tham a, a mi chengte pawh kan inhre chiang lo hlawm khawp mai. A inkiltawih zawnga kan khawsak duh chuan kan tel lo hian eng pawl mai pawh hi a lo kal thei khawp tih a chiang reng. Mahse, tlem tala he veng tana tha leh zung kan sen ve hi kan tihturah i dah theuh ang u.

Tun tum chu, "a che che sih hlawkah, a hua hua chu in ni mai" tiin, a thling baw hawkin sawi law law teh ang. Kan veng a lian a, a mi chengte pawh kan ṭahnem fu e ti lo chuan chhiat tawh nikhuua che chhuak ve ngai lote hi khawtlang hian a la hre hrang viau a ni tih hi hriat a ṭha khawp mai. Miin kan tlin lohna ang zela min thungrulh loh vang ngawt hian inhlahdah mai loh tur.

Mi ṭhenkhat chuan Khawtlang rawngbawl na hi Kohhran bila lakluh kan tum fo. Thenawm khawveng hnaia chhiat tawhnaah pawh lan tum miah lo, mahni Kohhran mite an nih chuan hna ṭul zawng zawng tlansana hun pum pe leh thei si te kan awm leh tlat ṭhin. Hei hi a ṭha lo takzet tih hriat a tul. Mizo tlawmngaihna leh Kristianna dik tak chuan Kohhran ramri a kham ngai lo. Kan Kohhran mite kan ngaih pawimawh ang tho hian Kohhran dang mite chungah pawh kan ti tur a ni dawn lawm ni?

Hetiang ngaihdan dik lo hi kan neih chhung chuan kan Hnamah leh kan Kristian-naah hian kan chiang tawk lo tihna a ni ang. *Miin in chunga an tiha in duh tur ang apiang chu, mi chungah pawh ti ve rawh u tih zirtirna pawmtu kan ni tih i hre thar leh ang u.*

Article:**RAM LEH HNAM HUMHALH HI**

- C Sangpuia

Kumin Chanmari West Branch YMA Kumpuan Sub-Committee-ah ka tel ve a. Kei ve hi member zingah a ṭangkai lo berte zinga ṭangkai lo zawk ka ni a. Mahse, kan Kumpuan Ram leh Hnam Humhalh hi a pawimawh hlein ka hria a, tawitein ka ngaihdan ka rawn sawi ve dawn a ni. Central YMA pawhin Ram leh Hnam Humhalh hi vawi tam tak Kumpuanah a lo nei tawh a, engtia tihtur a nih tih pawh hriat a har khawp mai. Thapui thawha beih chi lah a ni bawk hek lo, a tihngaihna tak pawh hriat a har hle.

Engpawh chu nise, Zofate hi kan ṭanrua a ngai a, a bik takin YMA member zawng zawng te'n thinlung taka ngaihtuah chungin i ṭang tlang ang u tiin ka ngen hmasa duh che u a ni. Chanmari West Branch YMA Kumpuan Sub-Committee ṭukhawm chuan a tihdan turte bengsika ngaihtuahin, hriat ang angte kan thawhkhawm a, chuta kan sawi ho pawimawh zualte chu hengte hi an ni:

i) **Hnam dang nupui/pasala neih loh tur.**
ii) **Hnam dang hnenah in hmun, lo, ram hralh loh tur.**

iii) **Hnam dang hnenah pawisa puk nan L.S.C dahkham loh tur.** tihte leh thil dang tamtak kan sawi ho a ni. A ni tehmeuh mai, hengte hi Zofate'n kan tih loh tawp tur a ni tih hi hre tlang ila a ṭha hle ang. Kan zawm ngei ngei tur niin ka hria.

Tin, Ruihhlo Do pawh Central YMA-in Kumpuanah neih fo tawh a, mahse a do rem tak tak erawh kan nei lovin ka hria. Hengahte pawh hian ṭan kan lak a ngai hle tawh a ni. A bul berah chuan, sum kan duh luatna avang hian kan duh aia thui kan kal ṭhin a, Ram leh Hnam kan hralh tih hi kan hre hman ṭhin lo a ni. *Entiran:* Central sorkar chuan Zoramah Forest Reserve tiam chin nei lova zauh an duh reng a, an neih theihna tur a ni phawt chuan sum tam tak sen pawh an ui hauh lo. Chuvangin kan hriat a ngai, tlem kan zauh va sum kan hmuh khan kan Ram leh Hnam kan hralh a ni tih hi. Forest Reserve chhung ami reng reng chu thing emaw mau emaw pawh engmah kan khawih a thieng tawh lo a ni. Chuvangin Forest Reseve-ah te, Industry-ah te, Company-ah te sumdawnnaah te, hengte hi YMA rilru takin kan ngaihtuah chian a ngai ṭhin a ni.

Tin, ruihhlo leh chhiatna hrang hrangte leh Hnam inchimralnate hi pakhatah chuan Setana hmanrua dik tak a niin ka hria. Chuvangin Setana pawh hi a pawng a taka

do hneh chi a ni bik hauh lo. Heng zawng zawng kan humhalh a, kan do hneh theihna tur chuan hmanraw pakhat chauh kan neichu chu **Lalpa Rawngbawl** hi a ni. Chanmari Pastor Bial KTP Conference (2013) thupui kha ka hrereng ṭhin- Lalpa rawngbawl tih a nih kha. Ram leh Hnam a lo him theih nan leh thil ṭha lo te'n kan ram a tihchhiat loh nan Pathian rawngbawl hi kan tih makmawh a ni tih hi Zofate'n i hrereng ang u. Isaia 59:12-ah chuan "I rawngbawl duh lo ram leh hnam chu a boral dawn a ni" tih kan hmu a. Chuvangin kan ṭhenawm state-te dinhmun ang kan thlen hmain i harh ang u, a la tlai hma hian.

Engtin nge Lalpa rawng hi kan bawl? tih pawh hi kan ngaihtuah chian a ngai. Kan inkhawm kim vang te, rawngbawl tu kan nih vang te, thu kan sawi fo vangte hian Lalpa rawng bawl ta luaah kan lo inngai mai thei. Mahse, Israel fate'n Lalpa rawng an bawl dan kha Pathian chuan a duh lo hle a nih kha, tuna kan tih dan hi an ti vek ang. Inthawina, an kut urhsun dan te pawh keini letin an ti vek ang. Mahse, Lalpa'n engtin nge a tih? "*In kain min chawimawi a, in thinlungin min phat si*" a ti. "*Thlan pawn hnawih var a, a chhunga ruang chhe awmkhawm ang in ni*" te a ti a nih kha. Chuvangin, inngaihtuah nawn leh ila, thinlung thienglim nen, rinawmna leh dikna nen Lalpa rawngbawl hi kan mamawh ngawih ngawih a ni tih ka sawi nawn leh duh a ni. Thlan pawn hnawih var ang chauhin awm i tum lo ang u.

Keimahni'n kan thei ngang lo a nih pawhin kan tu leh fate thinlung theuhah tal Lalpa'n hna a thawh theih nan tiakzeten ṭan i la theuh ang u. Chumi hunah chuan Lalpa'n kan ram leh Hnam hi min humhalh sak ang a, Israel fate'n berampa ki ruak hmanga Jeriko kuh an tihchhiat angin, keini paw'n Lalpa min pek, finna leh thiamna hmangin kan ram hmelmane kan do hneh ngei ang.

Taitesena Section

- Section huam chhungah chhiat tawk an neih avangin Faina hnatlang neih an tum chu an thulha, hun remchang hmasa berah neih an tum.
 - Section huamchhungah Pa la valaite chhiatniah theih tawp chhuah a tan la turin an in ngen.
 - Rukruk tunlaiin a hluar avangin chhungtinte finkhur turin an in ngen.
 - Chhungtinte mahni in leh avel vawngfai turin an in ngen.
 - Central Road kawng phei chhak lam luikawrah bawlhlawh paikh tawh lo turin a bul vel a mi te an in ngen.
 - An hruaitu Pu Lalnunsanga (Sangtea) zin pawh dam takin alo haw leh ta.
 - Chhungtinte chhiatni fund ngai pawimawh turin an in ngen.
 - Section chhunga damlot an dam leh thuai an duhsak hle.
 - Hun remchang hmasa berah kuang duan hnatlang neih tum ari.
 - Pu H.Lalramhluna'n remchan hun hun a hman turin a light a hawhtir thin avangin a chungah an lawm hle.
 - Tunkar hun remchangah Hotel Regency ah Meeting neih tum a ni, hruaitute hunawl lo insiam turin an inngen.
 - Bial 4-na a YMA AW Semtu siamrem a ni a.Ngurthankimi Sailo D/o Saitluanga Sailo leh Zoramawia S/o R. Lalhantluanga te hi ruat thar an ri.

Chawngbawla Section

- Ni 16.2.2013 (Inrinni) khan Lamchhip-ah Minor Irrigation pipe thiara sum tuak hnatlang neih a ni a, member 35 vel an thawkchhuak. Inhlawhna siamsaktu Pu JH Lalzarmawia chungah lawmthu an sawi a, tin, Gypsy hmantirtu Pu C. Lalzarliana (President, CWBYMA) chungah lawmthu an sawi bawk.
 - Pu C. Lalzarliana te chhungin an inneih Silver Jubilee hriatrent nan Section-ah Mike Long Horn an present a, an chungah lawmthu an sawi.
 - Ni 2.3.2013 (Inrinni) lo awm tur khian Section sum tuak nan, New Horizon School thawn\hat hnatlang neih tur a ni a, member te hunawl lo insiam turin an irhriattir.

Vanapa Section

- Ni 26.2.2013 zanah a hun ngaiah Committee neih tum a nia, hruaitute hunawl lo insiam i tum ang u. Kohna hran siam a ni lo.
 - Tunkar liam ta khan Leiman pek a nia, inhlawhna atana leiman pek tirtu zawng zawng te chungah lawmthu an sawi. Receipt la hmu lo te chuan Pu VL |hakima, Leader hnenah ngaihven tur a ni.
 - Pu Sailhuna Sailo (Ex-Leader) damdawi in lam a awm pawh dam takin a lo chhuak leh ta.
 - An hruaitu Pu T.Lalremruata (Darema) leh Pu Gordon Zoramchhana te pawh phai lamah an zin mek a, dam taka an lo haw leh thuai an beisei.
 - Pu JC Samte in \huthleng rawng kah tur lei nan \$ 1000 a pe chu an lawm hle.
 - Hnatlang te tan a tul hun a hman turin Pu Sailova'n \$ 100 a pe chu an lawm hle.
 - Hun rei tak chhung section\hutthleng dah nana in hmantirtu Pu VL Chhandama te chhungkaw chungah an lawm hle.

Neuva Section

- An Treasurer Pu Vanlalhluta'n fapa duhawm tak a nei chu an lawmpui hle.
 - An hruaitu NL Lalthachhungi pawh Dampa rengpui lamah khawmpui hmangin a zin mek a, dam taka a lo haw leh an duhsak.
 - Kum 2013 chhungin YMA Member 482 an awm a, YMA AW la tu 171 awmin, YMA Chanchinbu 26 in an la bawk.
 - Tunlaiin vengchhungah chhiatna a thleng zawn hle mai a, Nu leh pa leh \halaite \an la sauh sauh turin an inchah.
 - Hruaituten YMA AW man leh Chhiatni fund an khawn mek a, chhungtinte ngai pawimawha lo pe thuai turin an in ngen.
 - Name Plate leh House number siamngaita chuan hruaitute hriattir turin an in ngen.
 - Hun remchang hmasa berah Committee neih tum a ni.

Khuangchera | Section

- Branch-in Account training ni 20.2.2013 (Nilaini)-a a buatsaihah Section aiawhin Pu Zonunsanga (Patea) Finance Secretary a tel.
 - Dr. David Malsawmkima'n hnatlangin a \ula hman atan Rs. 500/- a rawn pe a, a chungah lawmthu an sawi.
 - Chhiatni Fund khawn mek a ni a, chhungtinten lo ngai pawimawh turin an innge.
 - YMA AW leh YMA Chanchinbu la tur tihfel tawh a ni a. YMA AW copy 223 leh YMA Chanchinbu copy 35 Section chhungah lak a ni.
 - Hetiang hi kumina YMA member dinthmun a ni : Member zawng zawng - 673; Mipa - 416; Hmeichhia - 257; Life member - 19.

Kan Then Tak

J Lalhmunmawia.

Pian ni- Ni 19.9.2011.
A pa- Lalchhuan-
mawia A nu -
Lalchhandami. Sec-
tion - Vanapa,
Kohhran - Presbyte-
rian. Thih ni- Ni 17.2.2013 Zanolai dar
12:20 Thih chhan - Pneumonia



Tv H Vanlalchhuangliana Pian ni-

Ni 5.4.1982. A pa-
Hmachhuana, A nu
-C Ramthangmawii.
Section - Taitesena,
Kohhran - Presbyter-
rian. Chhuanga hi a
nu nen chauhva
khawsa an ni a. Zirna lamah IIInd
Yr B.A a kal laiin ruihhlo avangin a
chawl. Theih tawpin a harsatna
aṭanga tal chhuah tumin Camping-
ah te a lut a, mahse a tlu leh fo ḫin.
Ni 20.2.2013 zing lam khan an
chenna in chhungah che sualin a
in ti kang palh a, a hliam tuar lovin
hemi ni yek hian a boral.



Py C Romana Pian

Pu C Koirala khan
ni-Ni 4.11.1958. A pa-
Sawichungnunga (L),
A nu - Bualzingi (L).
Section - Taitesena,
Kohhran - Presbyte-
rian. Kum 1981 ah
Lalkhawmawii nen an innei a, fapa
2 leh fanu 2 an nei. Kum 2012 De-
cember atangin a natna Hepatitis C
hi an hmuchhuak. Ni 21.2.2013, Dar
11:54 am khan a boral



MHIP

- Ni 21.2.2013 zan dar 7:00 khan kumin Branch Committee hmasa ber MHIP building-ah an nei.
- Tunkar chho aṭang hian MHIP member laks a ni dawn a, Mizo hmeichhia zawng zawng chu member a ni theih a ni. Member pakhatah \$ 2 a ni e.
- Kumin aṭang hian member-te an boralin MHIP Flag zar ve tawh ṭhin tura ruahman a ni.
- Anganwadi Co-ordination Committee pawh kum 2013-ah a thara in-formed that tum a ni.
- Tailoring Training Centre incharged atan Pi PC Chuaudinglani, Finance Secretary ruat a ni a. Tailoring Centre incharged atan Pi Vanlalmawii, Asst. Secretary ruat a ni bawk.

LOCAL COUNCIL

- Kan veng chhungah street-light hmun 40 chuangah vuah thar a ni a, heng street-light-te hi veng mipuuten dimdawi taka enkawl tura ngen kan ni a. Heng streetlight-te tihenna tur hian Chanmari West Sazuar Association leh Bazar Fee pe \hing tute chungah Chanmari West Local Council chuan thinlung takin lawmthu a sawi
- Khua a lo \hal leh ta a chhungtinte kan electric wiring, gas stove leh stove (Khawnvartui hmang)-te uluk taka check nawn turin kan inhriattir a. Kan in leh a velte leh vawkchaw chhumna thlenga fimkhur turin chhungtinte kan inngen a ni.
- March thla chawhma lamah vengchhung thiaghlimna (sanitation) atan hnati lang runpui neih tum a ni. Kawngpui dunga luikawr, bawlhhlawhin a hnawhte ruahtrui tlak hmaa thenfai tum a ni.
- Ui leh ar khuakhirkhna chungchangah Local Council leh YMA ten hma thei ang berin hmalak tur a ni a, ui leh ar vulhtu kan inhriattir a ni e.

GOSPEL CAMPING

Tunlai khawvel sual laka chhan-chhuah duh tak tak, khawvel lama tlan beidawng tawh, Pathian beiseite tan YMA Zawlbulkah Gospel Camping buatsaih a ni dawn a. Nun ning, Pathian duhtu lo kal rawh ule.

A hun : 25th Feb - 1st March 2013
Camping Fee a awm lo Hrechiang duh tan Pu K Zothangpuia, CH-sect, Ph no-9612612959 hnenah zawh fiah theih a ni

LUNGHLUROAD

Ni 19.2.2013 zan khan Local Council Chairman kaihhruaiin kum 2013 chhung hruaitu tur an thlang a, Pu Lalthankuma, Pu Zosanglura, Pu Peter LT Mawia, Pu K Pahlira, Pu R. Malsawma, Pu H Lalṭanpuia, Pu Lalthiang hlima leh Pu Rimtuia te an thlang a, hun remchang hmasa berah nihna an insiamrem ang.

ZOFA

- Ni 20.2.2013 (Nilaini) khan Chaltlang Centenary Hall-ah World Vision programme-ah Mizo Hnam Lam chi 3 an entir a, member 24 an tel.
- March ni 4 aṭang hian High School naupang Exam chawl mekte tan Mizo Hnam Lam zirna hun an siam dawn a, naupang a duh apiang tan a zir theih ang.

Open School Admission

2013-2014 Academic Session atan Class X & XII New admission a tih theih. Class kal hman lo tan pawh private-in a tih theih. Zirlai bu leh \uldangte ngaihtuah sak an ni ang. Class-XII tan admission reimburse theih a ni bawk.

Coaching Centre :
Govt. Chanmari Middle School
(Near Basket Ball Court)
Contact No. 9436351649/
9862356526 (3-2)

SPRINGDALE SCHOOL ADMISSION NOTICE

Kum 2013 - 2014 School Session chhung atana Nursery luh tumte chuan School hun chhungin School Office-ah englai pawhin Admission a tih theih reng e. Seat 50 bak siam a ni lo vang.

Contact No.
03892346833/9862812084/
9862336196 (2-1)



**LODESTAR
SCHOOL
CHANMARI WEST,
AIZAWL
(Near Indoor Stadium)**

**2013 – 2014 session atan K.G – I
admission englai pawhin school
hour chhungin a tih theih reng e.**

**K.G – II atanga Class – VIII tan
March ni 1 (Zirtawpni) atangin tih
theih a ni bawk ang.**

**Contact : 9862711823 /
8974287909 / 8794576982 (4-3)**

Thlanmual Sub-Committee

- Thlanmuala thing kung chema sat ṭhinte chu ti tawh lo turin an ngen.
- Tlangvalte thlan laiha ṭan la thar leh turin an ngen.

**Silver Jubilee
Sub-Committee Hriattirna**

Ni 27.2.2013 (Nilai) zan inkhwam ban hian Committee koh tum a ni a, member te ngai pawimawh tura ngen an ni.

BPL AṬANG A TRAINING THEIH

Heng a hnuai a tarlante hian Chanmari West BPL Member-te tan Training theih a ni e.

- 1 Tailoring Men / Women
- 2 Handloom
- 3 Computer
- 4 Computer Hardware
- 5 Catering / Food Processing
- 6 Female Attendant
- 7 Electronic
- 8 Beauty Culture
- 9 Carpentry
- 10 2-Wheeler Mechanic
- 11 Knitting
- 12 Computer Aided Designing
- 13 Broom Makeing
- 14 Security Guard
- 15 Mobile Handset Repaireing
- 16 Hair Cutting
- 17 Dry Flower Making
- 18 Motor Driving

Training tute chuan ni 26.2. 2013 thlengin Chanmari West BPL Secretary Pu R Zoliana hnenah in Report tur a ni e.

RSBY HRIATTIRNA

RSBY` 30/- Registration ti, thla la la late chu Health Directorate bul, Health Care Office-ah ni 27/ 28.2.2013 chhungin thla a lak theih dawn a, thla la duh chuan Registration tihna lekha kengin, registration-a hming inziak zawng kal tur a ni. Chhungkuua awm lo kan awm pawhin thlalak ken mai tur a ni. Health Care Office-a kal hmain Sub-Centre-ah pawisa lak tur a ni, ` 5 ken hram nise.

Lalrosangi Hmar
Health Worker (F)
Chanmari Sub-Centre

HRIATTIRNA

**YMA Park-a motor BOLERO
MZ -01 H 9150 dahtu kha
zanin aṭanga dah tawh lo tura
hriattir i ni e.**